

**Bosna i Hercegovina
Federacija Bosne i Hercegovine
Tuzlanski kanton
JU Služba za zapošljavanje TK
Tuzla**

Broj: 02-14-89-7/19
Datum, 14.03.2019. godine

Na osnovu člana 100. Zakona o javnim nabavkama („Službeni glasnik BiH“, broj: 39/14) i člana 21. Statuta JU Službe za zapošljavanje Tuzlanskog kantona broj 01/1-1-45/2-17-1 od 26.09.2017. godine, u postupku javne nabavke fizičke zaštite ljudi i imovine, direktor JU Službe za zapošljavanje TK Tuzla, odlučujući po žalbi Agencije za zaštitu ljudi i imovine „Sword Security“ doo Sarajevo, donio je dana 14.03.2019. godine:

**Rješenje o poništenju
postupka javne nabavke fizičke zaštite ljudi i imovine**

Član 1.

Utvrđuje se da je žalba Agencije za zaštitu ljudi i imovine „Sword Security“ doo Sarajevo, zastupane po punomoćniku Zajednička advokatska kancelarija „Oprašić, Grubač & Rašeta“, osnovana, te se poništava postupak javne nabavke u ovom predmetu.

Član 2.

Rješenje će se dostaviti svim učesnicima u postupku javne nabavke.

Član 3.

Ovo rješenje stupa na snagu danom donošenja i objavit će se na web stranici JU Služba za zapošljavanje Tuzlanskog kantona – www.szztk.ba, istovremeno s upućivanjem ponuđačima koji su učestvovali u postupku javne nabavke.

O b r a z l o ž e n j e

Na odluku o izboru najpovoljnijeg ponuđača u postupku javne nabavke fizičke zaštite ljudi i imovine, broj: 02-14-89-5/19 od 26.02.2019., žalbu je izjavio učesnik u postupku javne nabavke, Agencija za zaštitu ljudi i imovine „Sword Security“ doo Sarajevo.

Žalba je zaprimljena kod Ugovornog organa dana 11.03.2019. godine.

U skladu sa članom 99. tačka 2) i članom 100. tačka 1) i 5) Zakona o javnim nabavkama žalba je podnešena u dovoljnom broju primjeraka, blagovremena je i dopuštena te izjavljena od ovlaštenog lica (zastupano po punomoći za zajedničku advokatsku kancelariju „Oprašić, Grubač&Rašeta“).

Nakon razmatranja žalbenih navoda (pod tačkama I i II Žalbe), Ugovorni organ je ocjenio da je žalba, u skladu sa članom 103. tačka 2), a u vezi sa članom 45. tačka 2. pod c) i tačka 3. istog člana Zakona o javnim nabavkama („Službeni glasnik BiH“, broj: 39/14). i tačkom 3.1.1. Javnog poziva Ugovornog organa, osnovana, jer ponuđač nije dostavio uredno tražene dokaze nakon što je bio odabran kao najpovoljniji ponuđač i o tome uredno obavješten, dostavljanjem Odluke o izboru i Obaveštenja o dodjeli Ugovora.

Naime, odabrani ponuđač, BH Sigurnost doo Tuzla, je dostavio Uvjerjenje Porezne uprave Federacije Bosne i Hercegovine (Porezna ispostava Tuzla), broj: 13-3-1-15-5-2778 od 22.02.2019. godine, u kojem je naglašeno da porezni obveznik ima duga po osnovu javnih prihoda te da postoji Sporazum o istom.

Međutim, kao dokaz gore navedenim tačkama Zakona o javnim nabavkama i Javnog poziva Ugovornog organa, u takvima slučajevima ponuđač je dužan dostaviti Sporazum sa nadležnim poreskim institucijama o reprogramiranom odnosno odgođenom plaćanju obaveza ponuđača po osnovu poreza i doprinosa i indirektnih poreza, uz potvrdu poreskih organa da ponuđač u predviđenoj dinamici izmiruje svoje reprogramirane obaveze.

Navedeni dokaz, odnosno gore navedenu potvrdu, ponuđač nije dostavio uredno, a što dovodi do bitne povrede zakona i neprihvatljivog karaktera ponude, što za posljedicu ima poništenje postupka javne nabavke.

Kao drugi osnov za poništenje postupka predmetne javne nabavke navodimo član 69. tačka 2. pod e) gdje je naglašeno da se postupak poništava ako su cijene prihvatljivih ponuda znatno veće od osiguranih sredstava za predmetnu nabavku.

Naime, cijena ponude ponuđača, Agencije za zaštitu ljudi i imovine „Sword Security“ je iznad procjenjene vrijednosti nabavke koja je bila maksimalni raspoloživi finansijski iznos za ovu poziciju predviđen Finansijskim planom JU Službe za zapošljavanje TK Tuzla, bez mogućnosti izmjene u ovom momentu.

Uzimajući u obzir navedeno, Ugovorni organ poništava postupak predmetne javne nabavke.

Kada je u pitanju treći osnov na kojem žalitelj temelji svoju žalbu, a to je da je odabran ponuđač bio u obavezi da numeriše dokumentaciju dostavljenu u skladu sa članom 45.

Zakona o javnim nabavkama, nakon što je obavješten da je odabran kao najpovoljniji, ističemo da, Javnim pozivom Ugovornog organa, kao i samim Obavještenjem o dodjeli ugovora, nije predviđena obaveza uvezivanja i numeracije dokumenata koji se dostavljaju nakon prijema Obavještenja o dodjeli Ugovora, što ponuđača oslobađa ove obaveze.

Ovaj stav je u skladu sa stavom Ureda za razmatranje žalbi istaknutog u rješenju URŽ-a broj: JN2-01-07-1-683-10/17 od 06.12.2017. godine.

Uzimajući u obzir odredbe člana 100., a u vezi sa članovima 103. tačka 2), 45. tačka 2. pod c) i tačkom 3. , kao i člana 69. tačka 2. pod e) Zakona o javnim nabavkama Bosne i Hercegovine, odlučeno je kao u dispozitivu ovog Rješenja.

Pouka o pravnom lijeku:

Ukoliko ponuđači smatraju da je Ugovorni organ u toku postupka izvršio povrede Zakona ili podzakonskih akata imaju pravo da putem ugovernog organa, u skladu sa članom 100. tačka 4. Zakona o javnim nabavkama, pokrenu žalbeni postupak u roku od 5 (pet) dana od dana prijema ovog rješenja

Dostaviti:

1. BH Sigurnost doo Tuzla
2. Agencija za zaštitu ljudi i imovine „Sword Security“ d.o.o. Sarajevo
3. Odjeljenje za opće i pravne poslove
4. a/a

Pripremila:

mr.iur.Ahmetović Berisa, bachelor prava

Stručni saradnik za javne nabavke, opće i pravne poslove

DIREKTOR

Senad Muhamedbegović, dipl. pravnik